

Na osnovu člana 3. stav 1. Zakona o privatizaciji preduzeća ("Službene novine Federacije BiH," broj 27/97, 8/99, 32/00, 45/00, 54/00, 61/01, 27/02, 33/02, 28/04, 44/04 i 42/06), a na prijedlog Agencije za privatizaciju u Federaciji Bosne i Hercegovine, Vlada Federacije Bosne i Hercegovine donosi

ODLUKU

O IZMJENAMA I DOPUNAMA ODLUKE O METODAMA, ROKOVIMA I NADLEŽNOJ AGENCIJI ZA PRIVATIZACIJU PREDUZEĆA IZ OBLASTI ELEKTROPRIVREDE, PROMETA I VEZA (OSIM CESTOVNOG PRIJEVOZA), VODOPRIVREDE, EKSPLOATACIJE RUDA I ŠUMA, JAVNOG INFORMISANJA, IGARA NA SREĆU I INDUSTRIJE NAORUŽANJA, VOJNE OPREME, VETERINARSKJE DJELATNOSTI I KOMUNALNIH DJELATNOSTI

I.

U Odluci o metodama, rokovima i nadležnoj agenciji za privatizaciju preduzeća iz oblasti elektroprivrede, prometa i veza (osim cestovnog prijevoza), vodoprivrede, eksploatacije ruda i čuma, javnog informisanja, igara na sreću i industrije naoružanja i vojne opreme ("Službene novine Federacije BiH," br. 11/99, 37/00 i 49/01) u tački i u tablici pod rednim brojem 106. u stupcu "Naziv preduzeća" iza riječi "LUKA" dodaje se riječ "MOSTAR", a u stupcu "Nadl. Agencija za privat." Kratica "HNK" zamjenjuje se kraticom "APF".

U tablici pod rednim brojem 107. JP MEĐUNARODNI AERODROM TUZLA u stupcu "Nadl. Agencija za privat." kratica "TPK" zamjenjuje se kraticom "APF".

U tablici pod rednim brojem 109. u stupcu "Naziv preduzeća" riječi: "JP AERODROMI BOSNE I HERCEGOVINE" zamjenjuju se riječima: "JP MEĐUNARODNI AERODROM SARAJEVO d.o.o. Sarajevo", a u stupcu "Nadl. Agencija za privat." kratica "SA" zamjenjuje se kraticom "APF". Iza rednog broja 110. dodaju se novi redni brojevi 111. i 112. koji glase:

111.	Hold ing "PUTEVI SARAJEVO"	Sarajevo	x	x	x	2 godine	APF
112.	TERMINALI FEDERACIJE d.o.o. Sarajevo	Sarajevo	x	x	x	2 godine	APF

Dosadašnji redni brojevi 110. do 158. postaju redni brojevi 112. do 160.

Iza stava 1. dodaje se novi stav 2. koji glasi:

"Privatizaciju preduzeća veterinarske i komunalne djelatnosti vršit će kantonalne agencije za privatizaciju, prema registru koji će formirati Agencija za privatizaciju u Federaciji

Bosne i Hercegovine u roku od 30 dana od dana stupanja na snagu ove Odluke, a koji čini sastavni dio ove Odluke."

II.

Ova Odluka stupa na snagu narednog dana od dana objavljivanja u "Službenim novinama Federacije BiH".